

肝膽部

頭痛

頭重

乳蛾

產後頭痛

頭風

喉如梗狀

偏頭痛

不得臥

諸物哽咽

雷頭痛

多卧

項頸痛

大頭痛

喉引

喉痺

眉痛

咽嗌痛

醫心通

五



醫學綱目卷之十五

頭風痛

產頭痛

偏頭痛

雷頭痛

大頭痛

眉痛

頭重

頭風屑

頭痛多主於痰

東垣大法

丹頭痛 多主於痰痛甚者火多有可吐者亦有可下者
 金匱真言論云東風生於春病在肝俞在頸項故春氣
 者病在頭又諸陽會於頭面如足太陽膀胱之脈起於目
 內眥上額交巔直入絡腦還出別下項病衝頭痛又足少
 陽膽之脈起於目銳眥上抵頭角病則頭角額痛夫風從
 上受之風寒傷上邪從外入客經絡令人振寒頭痛身重
 惡寒治在風池風府調其陰陽不足則補有餘則瀉汗之
 則愈此傷寒頭痛也治法見傷寒條頭痛耳鳴九竅不利者腸胃
 之所生乃氣虛頭痛也治法見氣虛條如氣上不下頭痛顛疾者
 下虛上實也過在足少陰巨陽甚則入腎寒濕頭痛也治法

見寒濕條有厥逆頭痛者所犯太寒內至骨髓以腦為主腦逆故令頭痛齒亦痛治見寒條有心煩頭痛者病在膈中過在手巨陽少陰乃濕熱頭痛也治見實條

頭痛分三陰三陽見陰陽條

諸血虛頭痛當歸川芎主之 諸氣虛頭痛人參黃芪主

之主者主治也兼見何證以佐使藥治之此立方之太法也

血氣俱虛頭痛者於調中益氣湯加川芎蔓荊子細

辛其効如神 諸濕厥頭痛清空膏主之即風濕熱頭痛也方見濕氣條

諸痰厥頭痛半夏白朮天麻湯主之方見脾土條 諸厥逆

頭痛羌活附子湯主之方見寒條 如濕熱在頭者以啞吐之

不可執方而治實條

三陽散而寒之

海三陽頭痛

羌活

防風

荊芥

升麻

葛根

白芷

柴胡

川芎

芍藥

細辛

蔥白連鬚分兩旋如

陰證頭痛只用溫中藥如理中薑附之類也

凡頭痛皆以風藥治之者總其大體而言之也高巔之

上惟風可到故味之薄者陰中之陽自地升天者也然亦

有三陰三陽之異 太陽經頭痛惡風寒脈浮緊川芎獨

活之類為主 少陽經頭痛脈弦細往來寒熱柴胡黃芩

主之 陽明經頭痛自汗發熱不惡寒脈浮緩長實者升

麻葛根石膏白芷主之 太陰經頭痛必有痰體重或腹

痛為痰癖脈沉緩者蒼朮半夏南星主之 少陰經頭痛

三陰三陽經不流行而足寒氣逆為寒厥其脈沉細麻黃

附子細辛湯主之 厥陰經頭疼項痛或吐痰沫冷厥其

脈浮緩吳茱萸湯主之方見傷寒

三陽散而溫之

清空膏治偏正頭痛年深不愈者及療風濕熱頭痛上墮損目及腦痛年深不止

羌活 防風各一兩 柴胡七錢 川芎五錢

甘草兩半 黃連兩 黃芩三兩半酒製

右為細末每服二錢熱盞內入茶少許湯調如膏抹在口內少用白湯送下臨臥如苦頭痛每服中加細辛二錢如太陰脈緩有痰名曰痰厥頭痛加羌活防風川芎甘草又加半夏一兩半如偏正頭痛服之不愈減羌活防風川芎一半加柴胡一倍如發熱惡熱而渴此陽明頭痛只與白虎湯加白芷

東垣云諸濕熱頭痛清空膏主之丹溪云東垣清空膏諸般頭痛皆治惟血虛頭痛從魚尾相連痛者不治又云治少陽頭痛如痛在太陽厥陰者勿用蓋謂頭顛痛也

濕熱宜清之

丹小清空膏治諸般頭痛惟血虛頭痛不治用片苓細切酒拌勻晒乾為末茶清調下酒亦可

頃清上瀉火湯昔有人年少時氣弱於氣海三里節次紉灸五七百壯至年老添熱厥頭痛雖冬天大寒猶喜風寒其頭痛便愈微來暖處或見烟火其痛復作五七年不愈皆灸之過也

羌活 防風 升麻 柴胡

蒼朮 細辛 川芎 荆芥

黃柏 蔓荊子 黃芩 黃連

生地 甘草 知母 當歸

黃芪 紅花

右剉如麻菑大分作二服每服水二盞煎至一盞去渣稍熱服食遠

補氣湯服前藥之後服此藥

黃芪	八分	甘草	炙
升麻	各二分	細辛	少許
水煎服		麻黃	炒
		歸身	各二分
		柴胡	各二分
		苦丁香	各半錢

安神散治頭旋眼黑頭痛

羌活	兩一	防風	二錢	柴胡	五	升麻	五
酒黃柏	兩一	酒知母	半	酒生地	兩半	黃芪	及一
甘草	炙三錢	生甘草	三錢				

其右咬咀每服半兩水一大盞煎至二盞半加蔓荊子半錢川芎三分再煎至一盞臨臥去香熱服

右東垣丹溪治虛熱頭痛大率皆以酒芩酒連酒柏加風劑也

芎藭散治頭風偏正頭痛昏眩

川芎	細辛	羌活	槐花
甘草	香附子	石膏	荆芥
薄荷	菊花	防風	茵陳

右為細末每服二錢食後茶清調下日三服

石膏散治頭疼不可忍

麻黃	去根	石膏	各一兩	何首烏	半兩	葛根	七錢
----	----	----	-----	-----	----	----	----

右為細末每服三錢生薑三片水煎稍熱服

石膏散治頭疼

川芎	石膏	白芷
	好者	

右各等分為細末每服四錢熱茶清調下

本荆芥散治頭風

荆芥	石膏
	煨存性
	等分

右為細末每服二錢薑三片蔥白三寸和鬚使水一盞

煎至七分食後服
治丈夫婦人風虛頭疼氣虛頭疼婦人胎前產後傷風頭
疼一切頭疼並皆治之

茵陳揀淨 麻黃各二兩 石膏煨存性

右為末每服一錢臈茶調下食後服服畢仰臥霎時

寒濕

玉真丸治腎氣不足氣逆上行頭疼不可忍謂之腎厥其
脈舉之則弦按之則堅

硫黃二兩 石膏煨通 半夏洗 硝石研各

右為細末研勻生薑汁糊為丸如桐子大陰乾每服二
十九薑湯或米飲下更灸關元百壯良方中黃九子亦
佳虛寒甚者去石膏用鍾乳粉一兩

腎虛則
頭痛肝
虛則頭
骨

素問云頭疼顛疾下虛上實過在足少陰巨陽甚則入腎
狗蒙招尤目眩耳聾下實上虛過在足少陽厥陰甚則入

肝下虛者腎虛也故腎虛則頭痛上虛者肝虛也故肝虛
則頭暈狗蒙者如以物蒙其首招搖不定目眩耳聾皆暈
之狀也故肝厥頭暈腎厥顛痛不同如此治肝厥鈞藤
散見眩門
神妙丸治頭疼及腦風

食鹽 硫黃各等分

右為末水調生麵為丸如桐子大每服十五丸用薄荷
茶食煎下荊芥酒亦得

孫兆口訣治頭疼附子炮石膏煨等分為末入腦麝少
許酒茶下半錢妙

右硫附中加石膏之劑

治頭風如神附子一枚生去皮臍用薑豈一合同煮豈熟
為度去附子只喫豈立瘥每附子一枚可煮五次後末服

之修真
秘要

本治氣虛頭眩用大附子一枚剝去心入全蝎二箇在內
取前附子末同鍾乳一分麪少許水和製炮熟却研為末
以焦黃為度蔥茶調下二錢或半錢

又方用大附子一枚和皮 大川芎一箇剝
騰生為末 作四片

以水和附子末如麪齊裹川芎作四處如附子末少入
少麪裹畢以針穿數孔子用真腦射置其穴內覺附香
再捻合穴子如未香內有香即再薰一炷細羅成灰用
銚子內熟灰炮熟末之每服半錢蔥茶調下不拘時候
右泗醫楊吉
老二方神効了

大寒犯
腦頭痛
齒亦痛
帝曰人有病頭痛數歲不已此安得之名為何病岐伯
曰當有所犯大寒內至骨髓髓以腦為主腦逆故令頭痛
齒亦痛病名曰厥逆奇病論

用羌活附子湯治久月大寒犯腦令人腦痛齒亦痛名曰
腦風出奇病論中

- | | | | |
|----------------------|----------------------|-----------------------|----------------------|
| 防風 <small>分二</small> | 黃芪 <small>錢一</small> | 麻黃 <small>錢一</small> | 蒼朮 <small>錢半</small> |
| 升麻 <small>分二</small> | 甘草 <small>分一</small> | 黑附子 <small>分一</small> | 羌活 <small>錢半</small> |
| 白芷 | 白僵蚕 | 黃栢 <small>各三分</small> | |

右咬咀水煎去查溫服食後若有寒嗽加佛耳草三分
芎藭神功散治風熱上攻偏正頭痛無問微甚久新並
皆治之

- | | | | |
|----------------------|-------------------------|------------------------|----|
| 川芎 <small>兩一</small> | 甘草 <small>錢二</small> | 川烏 <small>生去皮臍</small> | 白芷 |
| 天南星 | 麻黃 <small>去根各半兩</small> | | |
- 右為末每服三錢水二盞生薑三片煎至七分投清酒
半盞和查溫服密室避風如人行五七里再服汗出為
度其病立愈

救苦神白散治男子婦人偏正頭痛眉骨兩太陽穴痛及熱上攻頭目赤赤不巳項筋拘急耳作蟬鳴

川芎

甘草各八錢

甘松去土

赤芍藥

白芷

兩頭尖

川烏頭去皮脂各六錢

右為細末每服二錢溫茶調下服藥後飲熱水半盞

本治一切頭夜黑龍丸

天南星

川烏各半斤黑荳拌蒸三次

石膏半兩

麻黃

薄荷各四兩

藿本

白芷各二兩

京墨兩

右為細末煉蜜杵丸彈子大每服一丸薄荷茶湯調下

治傷寒頭疼太陽頭疼及一切頭疼

川烏炮

草烏各半兩

麻黃

川芎

防風

羌活各一兩半

地龍去土

全蝎一個

雄黃二錢

右為細末每服半錢食後茶清調下

垣麻黃吳茱萸湯治頭痛胸中痛食減少咽噎不利寒冷脈左寸弦急

麻黃錢半

吳茱萸三分

黃芩二分

川烏一分

羌活五分

細辛少許

蔓荊子一分

藿本

柴胡

黃芪各二分

蒼朮錢一

黃連二分

半夏一分

黃柏

升麻各二分

紅花少許

當歸二分

右咬咀作二服水二盞煎至一盞去渣稍熱服食後

丹東陽陳元露筋骨體稍長患體虛而勞頭痛甚至有訣

別之言予察其脈弦大而帶數以人參為君川芎陳皮為

佐至五六日未減衆皆訝之以藥之不對也予曰藥方有

虛

次第更少，俟一二宿當自安。忽其季來問曰：何不少加黃芪？予不答。又經一宿，忽自言病頓愈。予脈之，覺指下稍盛。又半日，病者言胃上滿，不覺飢，視其腹紋已隱矣。予曰：藥中莫加黃芪否？曰：然。止與三貼，遂連與二陳湯，加厚朴、枳殼、黃連，以瀉其衛，三貼而安。

血虛頭痛，自魚尾上攻，頭痛必用川芎當歸湯。眉尖後近尾

大一奇散治血虛頭痛神妙。即芎歸湯也。方見產頭痛。又方用川芎半兩為末，每服二錢，臘茶調下。其效曾見產後頭痛者，一服即愈。

外治頭痛，欲裂當歸一兩酒一升煮取六合，飲至醉效。

素頭痛耳鳴，九竅不利，腸胃之所生也。通評虛實論。東垣云：此氣虛頭痛也。用人參黃芪主之。

氣虛頭痛治驗。參謀栢仲實年六十一歲，二月間患頭痛不可忍，晝夜不得眠，邀往視之。其人云：近在燕京，馬頭昏悶微痛，醫作傷寒解之，汗出後痛轉加，復汗解病轉加，而頭愈痛，遂歸。每召醫用藥雷同，到今痛甚，不得安臥。惡風寒而不喜飲食，診其脈弦細而微，氣短而促，懶言語。

內經曰：春氣者病在頭，今年高氣弱，清氣不能上升，頭面故昏悶。此病本無表邪，因發汗數四，清陽之氣愈虧，損不能上榮，亦不能外固，所以頭苦痛而惡風寒，不喜飲食，氣短弱宜升陽補氣，頭痛自愈。名之曰順氣和中湯。

- 黃芪 半錢
- 人參 錢一
- 白朮 分五
- 陳皮 分三
- 當歸 分五
- 芍藥 分五
- 甘草 分三
- 升麻 分三
- 蔓荊子 分二
- 柴胡 分三
- 川芎 分二
- 細辛 分二

內經曰：陽氣者衛外而為固也。今年高氣弱，又加發汗。

衛外之氣愈損故黃芪甘溫補衛實表為君人參甘溫
當歸辛溫補氣補血芍藥味酸收衛氣為臣白朮陳皮
炙甘草苦甘溫養衛氣生發陽氣上實皮毛腠理為佐
柴胡升麻苦辛引少陽陽明之氣上升通百脈灌漑周
身者也川芎蔓荊子細辛辛溫體輕浮清利空竅為使
右件咬咀作二服水二盞煎至三盞去渣溫服食後服
乏減半再服而愈

氣血俱虛 垣調中益氣湯加川芎蔓荊子細辛治氣血俱虛頭痛見

治法

子和青黛散治頭風

猪牙皂角 玄胡索分一 青黛炒

右為細末水調許鼻內灌之其涎自出先仰臥灌鼻
俟喉中酸味即起身涎出口咬銅錢一文任流下

丹頭痛搗鼻取涎

萹撥 川芎 薄荷 白芷

細辛各等分

為末入猪膽內與汁拌勻陰乾再為末用無根水為丸
如菘荳大青黛為衣每十九茶清化灌鼻中口噙銅錢
三文其涎來如泉一方有玄胡索藁本青黛無薄荷細
辛

本治偏正頭風夾腦風并一切頭風不問年深日近尅日
取効名透頂散

細辛表白者 瓜蒂七 丁香三粒 糯米七粒
麝香各一黑

右將腦麝乳鉢內研極細却將前四味研勻另自治為
末然後入乳鉢內盪起腦麝令勻用瓦甌子盛之謹閉

觀口患人隨左右搖之，一太甚許良久出涎，一升許則安。

濕熱在頭必吐之

東垣云濕熱在頭而頭痛者必以苦吐之，若用上項搐鼻藥而涎少者必兼下項吐法治之。

治痰厥頭痛以烏梅十箇取肉鹽二錢酒半盞合水煎至七分去渣非時溫服吐即住。

丹頭痛難忍支風痰所致施子末蜜和濃塗舌上吐即止。兵部集

頭痛非冷非風此膈有痰也濃煎茶啜一二升探吐之吐而又吐候苦汁出乃止不損人待渴自止。外臺秘要

子和茶調散瓜蒂好茶一味等分爲末每服二錢薑汁調下空心用之。丹霞僧病頭痛常居暗室不敢見明其頭熱痛以布圍其顛上置水於其中日易數次熱不能已諸

頭面多汗爲首風

河新沐中風爲首風頭面多汗惡風當先風一日則病甚至其風日則少愈大川芎丸主之。

醫莫識其證求見戴人戴人曰此一陽氣熱故也乃置炭火於煖室中出汗涌吐三法併行七日方愈。常仲明之子自四歲得風痰疾至十五歲轉甚每旬發一二次發必頭痛痛則擊數百拳出黃綠涎一二丈方愈此年發益頻目見黑花昏不知人三四日方省諸醫皆用南星半夏化痰之藥終無一效戴人以雙解散發汗以苦劑吐痰病去八九續以分劑平調自春至秋如此數次方獲全瘥。邪在胃而頭痛者必下之其證必兼隔痞或動作則痛甚或右手脈滑盛者是也治法並見脾胃條。東風生於春病在頭俞在頸項。全文五職春氣者病在頭。惡風爲胃風

大川芎丸治首風旋暈弦急外合陽氣風寒相搏胃膈痰飲偏正頭疼身體拘倦

川芎一斤 天麻四兩用

右為末煉蜜丸每兩作十九丸每服一丸細嚼茶酒下食後服

腦戶極冷為腦風

風氣循風府而上則為腦風項背怯寒腦戶極冷神聖散主之

神聖散治腦風邪氣留飲不散項背怯寒頭痛不可忍者

麻黃去節 細辛去苗 乾葛生一炒半 藿香葉各等分

右為末每服二錢煮荆芥薄荷酒調下茶亦得并治血風證

又方治腦風邪氣留飲頭疼不可忍者用遠志末不以多少於鼻中搐於痛處揉之相兼前藥可用也

丹頭疼連眼痛此風痰上攻須用白芷開之

雨煎茶 川芎 白芷 防風

台烏 細辛 當歸 為末湯調服

世偏正頭風川芎細辛防風白芷烏頭尖全蝎稍南星薑製麝香少許為末每一字温酒調服

丹頭風方

羌活錢三 細辛錢一 川芎錢二 乾葛錢二

甘草半錢 防風錢二 半夏錢一

右除川芎細辛二味外研為末用酒和炒晒乾入川細二味末和勻每服一錢茶清調下

又方

荆芥 草烏尖片 防風 甘草
台芎 蔓荆子 桔梗 麻黃

右為末茶調服

本治頭疼面赤煩悶咽乾上膈風痰頭目暈昏百節疼痛背項拘急芎辛丸

川芎 防風 僵蚕 獨活各一

桔梗三 麻黃 細辛 白附子

羌活 甘草各四 薄荷 荆芥各一

右為細末煉蜜丸如彈子大每服一粒茶酒吞下食後

坦徹清膏

川芎三錢 蔓荊子一錢 細辛一分 藁本一錢

薄荷三分 生甘草半錢 炙甘草稍半錢

右為細末食後茶清調下一錢或半錢

本治頭目風荆芥穗細辛川芎等分為末飯後湯點二錢

凡治頭痛皆用芎辛羌防辛等溫氣藥升散者由風木

風虛則壅塞而痛宜辛散之

風盛則踈散而痛宜酸收之

乳香益落散治男子婦人偏正頭疼不可忍大有神効

御米殼去蒂四兩 陳皮 甘草炙 桔梗去芦

柴胡去苗各一兩

右為細末每服二錢水一鍾入燈心十莖長四指同煎

七分去查食後溫服

垣半夏白朮天麻湯治太陰痰厥頭痛眼黑頭旋惡心煩

方見

東垣先生壯歲病頭痛每發時兩頰青黃眩暈目不欲開

懶於言語身沉體重兀兀欲吐數日方過潔古老人曰此

厥陰太陰合而為病名曰風痰宜以局方玉壺丸治之少

風濕痰

風濕藥二味可加雄黃白朮以治風濕更有水黃金花丸
更灸袂溪二穴各二十七壯不旬日愈是知方者體也法者
用也徒知體而不知用者弊體用不失可謂上工信矣哉
金花丸方
見咳嗽

丹徐舍人因作勞頭與目腫痛足冷身熱脈大而不可數
作勞痰治之

半夏二錢

川芎

黃芩

白朮

陳皮半錢

木通一錢

甘草少許

分二貼煎薑一片下保和丸三十九

羅茯苓半夏湯治風熱痰逆嘔吐或眩暈頭痛

半夏三箇稍大者製

赤茯苓一錢

陳皮湯洗

黃芩一分

甘草一錢

右用水二鍾生薑三片煎一盞分三服作一日溫服無

時

丹又治濕痰頭痛

黃芩酒炒三錢

蒼朮酒炒一兩

川芎

細辛各二錢

甘草一分

為末搗生薑二片和勻茶清調服

賈孺人脈沉有痰頭痛

川芎一錢

澤瀉酒炒一錢

白朮半錢

煎下茯苓九三十粒茯苓丸方
見痰飲門

聖治偏正頭疼併夾腦風連兩太陽頭痛以白僵蚕細研

為末用蔥茶調服方寸匕

右濕痰頭痛用半夏南星及酒木酒令燥其痰也風痰

頭痛用風菴者並見風頭痛條

素陽明所謂客孫脈則頭痛鼻鼽腹腫者陽明并於上

鼻鼽
腫在

者則其孫絡太陰也故頭痛鼻熱腹腫也脈解
 孫館職學士張居易嗜酒散誕不為名利拘束忽發熱頭
 疼俾翰林醫官治之十日愈甚諸學士共議召孫孫至脈
 之曰餘人皆曰傷寒故作此疾也張學士好酒多痰食所
 傷也今疾非傷寒而右手脈甚數左手脈平和此必傷酒
 食而作頭痛宜與食藥五七丸俟之半日進退決矣孫遂
 用食藥經食久膈漸寬頭痛遂減再進利膈藥遂獲安大
 凡陽邪頭疼經十日豈得不變發熱而狂亂故知非傷寒
 乃食病之過也

丹胡濡人因喫冷粉與肉頭痛自汗膈痞小便赤

白木二水

陳皮半水

木通

川芎

黃芩各半

薑水煎熟吞下草薹寇丸阿魏丸保和丸各五十粒

脈動作頭重痛熱氣潮者屬胃謂胃每酒食及痰疾之類也

丹頭痛如破酒炒大黃半兩茶煎服

右以酒炒大黃下頭痛蓋病在胃而頭痛者必下之左
 愈也如孫兆以利膈藥下張學士傷食頭痛詳見本條
 三郭茂恂以黑龍丹下其嫂金華君產後汚血頭痛詳見
 產後頭痛皆下咽即安是也

心火

心煩頭痛病在膈中過在手巨陽少陰東垣清空膏之類

腎水

頭痛顛病下虛上實適在足少陰巨陽其則入腎頭痛全

許學士謂之腎厥頭疼也用玉真丸治之東垣云此寒濕

頭痛氣上而不下也玉真丸方見寒熱條

運氣

運氣頭痛有四

一曰火鬱於上而痛經云少陽司天之政初之氣風勝乃搖候乃太濕其病氣拂於上頭痛一之氣火反鬱白埃四起其病熱鬱於上頭痛又云少陽司天火淫所勝民病頭痛發熱惡寒而瘡治以寒劑為君也

二曰寒氣逐熱氣上行而痛經云歲金不及炎火乃行復則陰厥且格陽反上行頭腦戶痛延及腦頂發熱又云太陽之勝熱反上行頭項顛腦戶中痛目如脫又云太陽之復心痛痞滿頭痛治以熱劑為君也

三曰濕邪傷腎膀胱而痛經云太陰司天濕淫所勝腰脊頭項痛時眩又云太陰在泉濕淫所勝病衝頭痛目似脫項似拔又云太陰之復頭項痛重而掉慙尤甚亦治以熱劑為君也

四曰陽明復氣兼非位之心病而痛經曰陽明之復欬噦

煩心病在膈中頭痛治以溫劑也

雜方

垣白芷散治風頭痛擗鼻

石膏二錢

薄荷三錢

芒硝仁

鬱金

右細末口噙水擗鼻若症在太陽加羌活一錢防風一錢紅葶二粒為末擗之

川芎散擗鼻

青黛半錢

蔓荆子

川芎各一分

鬱金

芒硝各一錢

石膏三錢

細辛根一分

薄荷葉二分

紅葶一錢

右為末擗鼻

瘦人擗鼻藥

軟石膏

朴硝半錢

腦子

檀香皮

荆芥

薄荷葉各一錢

白芷

細辛各三錢

羅如聖散治眼目偏痛頭風

麻黃

燒灰

盆硝

二錢

麝香

腦子

各少許

右件為細末搗之神效

又方

楊梅青

硝石

伏龍肝

右為末搗鼻立效

河瓜蒂神妙散治偏正頭目昏眩及偏正頭痛

煇硝

雄黃

川芎

薄荷葉

道人頭

即蒼耳子

藜蘆

各一分

天竺黃

一錢

右為細末含永鼻中搗一字神驗

右六方搗鼻治頭痛屬熱者也

本治八般頭風

草蟲大

細辛

黃丹

右為細末薑蔥搗收鼻中立效

丹治卒頭上痛鼻齋未改鼻嚏則止

世火筒散治頭風應驗方

蛇蚶糞

乳香

各一分

麝香

少許

右為末用紙筒自上燒上吸烟搗鼻內神效

仲頭風摩散方

大附子

一枚

食鹽

一分

右二味為末以方寸七摩疹上食藥丸行

聖治風頭痛每欲天陰風雨先發者用桂心二兩為末以

酒調如膏用傅頂上并額角

治頭風餅子

五倍子

全蝎

各一分

土狗

一枚

右為末醋糊作如錢大餅子發時再用醋潤透貼太陽

針灸

穴上灸熱貼之驗甚仍用帕子縛之密濃茶睡覺即愈
 聖治時氣頭痛不止用朴硝二兩為末生油調塗於頂上
 經患頭風山荳根搗末油調塗之
 食治熱風頭痛燒杏仁冷烟盡去皮尖以亂髮裹之咬於
 所患處齒下其痛便止
 世偏正頭痛風醉頭風以草麻子九粒先用米調成膏塗
 茶碗底却用火燒草麻仁烟出以茶碗覆薰烟上俟烟盡
 用少湯衝開服之覺額上痒是効
 頭內如虫蛀響名天白蟻用茶子細末吹鼻中周氏方
 厥頭痛面若腫起而煩心取之足陽明太陰厥病篇
 厥頭痛頭脈痛心悲善泣視頭動脈反盛者刺盡去血後
 調足厥陰頭痛項強盛者厥頭痛貞貞耕頭重而痛
 瀉頭上五行行五先取手少陰後取足少陰厥陰頭痛

意善忘按之不得取頭面左右動脈後取足太陰厥頭
 痛項先痛腰脊為應先取天柱後取足太陽經云頭目若
 兩筋間蓋風府穴也又云足太陽脈是動則衝頭痛目如
 脫項似按所生病者頭顛項痛故應頭痛取足太陽也
 厥頭痛頭痛甚耳前後脈湧有熱瀉出其血後取足少
 陽經云足少陽脈從耳後入耳中出走耳前所生真頭
 痛病者頭痛故耳前後脈湧熱者取足太陽也
 痛頭痛甚腦盡痛手足寒至筋死不治頭痛不可取于
 脰者有所擊墮惡血在干內若肉傷痛沫已可側刺不可
 遠取也頭痛不可刺者太痺為惡日作者可令少愈不
 可已陽迎頭痛腦滿不得息取之入迎陽迎即陽逆也
 頭痛耳聾頰腫取血者
 是瘀血腫滿處取之也
 摛偏正頭風 絲竹空活皮向外 風池橫針入寸 合
 谷半寸已上穴 解溪 三里 中腕中腕一穴
 未愈再取 百會一分灸 上星二分灸七壯三 合谷
 稜針出血亦得

不愈 神庭灸七 太陽在兩額角眉後紫脹 三

醉頭風穴通玄同 印堂五分灸 攢竹一分沿皮 三

里 豐中灸 風門沿皮向 天牖五分留七呼不宜補

痛頭風面腫項強不得回顧天牖五分留七呼不宜補

潔頭風後谿 京骨

右手足太陽

頭痛嘔吐 神庭分 印堂在兩眉中沿皮透左攢竹

補風痰頭痛 豐隆五分灸 腎厥頭痛 湧泉三分彈

豈治一老婦人頭痛久歲不已因視其手足有血絡皆

紫黑遂用三稜針盡刺出其血如墨汁者數盞後視其

受病之經灸刺之而得全愈即經所謂大痺為惡及頭

痛久痺不去身視其血絡盡出其血是也

甲腦風頭痛惡見風寒熱鼻窒喘息不通承靈主之

頭痛身熱引兩頰急一作腦空主之 頭痛目窻天衝風

池主之已上諸穴在頭善嚏頭痛身熱頰厭主之 熱

病頭痛引目外眦而急煩滿汗不出引頰齒面赤皮疼懸

釐主之 熱病偏頭痛引目外眦懸釐主之 醉酒風熱

發兩角眩兩目云痛不能飲食煩滿嘔吐率谷主之千金云

風 頸額指滿引牙齒口噤不開急痛不能言曲鬢主之

及足不收失履口喎僻頸項搖戩牙車急完骨主之已上

白主之 頭痛目眩頸項強急胸脇相引不得顧側本神

主之已上諸穴皆頭痛振寒清冷淵主之 頭痛項背

急消樂主之 頭風痛鼻軌岬眉頭痛善嚏目如欲脫汗
 出寒熱面赤頰中痛項強不可左右顧目系急懸痰攢竹
 主之 頭眩痛重目如脫項似拔狂見鬼目上反項直不
 可顧暴攣足不任身痛欲拆天柱主之 風眩頭痛鼻不
 利時嚏清涕自出風門主之 暴病頭痛身熱痛肌肉動
 耳龍惡風目皆爛赤項不可以顧脾樞痛泄腸澀束骨主
 之 風眩頭痛少海主之 厥頭痛面浮腫煩心狂見鬼
 喜笑不休發於外有所大喜喉痺不能言豐隆主之 陽
 厥凄凄而寒少腹堅頭痛脛股腹痛消中小使不利善嘔
 三里主之 厥頭痛面腫起商丘主之 厥頭痛孔最主
 之 頭重頂痛目不明風到腦中寒重衣不熱汗出頭中
 惡風刺腦戶主之 頭重目瞑厥寒熱項強難以顧汗不
 出陶道主之 頭痛如破身熱如火汗不出厥痿裏急腰

診

股相引痛命門主之

素寸口之脈中手短者曰頭痛平人氣

推而下之而下而

不上頭項痛

脈診頭痛目痛久視無所見者死久視不見見諸脈病雜

卒視上而病若頭痛目痛脈急短澹死未詳其義

產後頭痛

大一奇散治產後頭疼用當歸川芎為細末每服一錢水

一錢煎七分溫服

丹產婦年三十餘身熱頭痛肚痛

- 陳皮 白朮 白芍 黃芩 二錢
- 川芎 乾薑 牡丹皮 甘草 各一錢
- 荆芥 錢半

分四貼前服

血虛

寒熱

保治產後頭痛血虛痰癖寒厥皆令頭痛加減四物湯

蒼木六錢

羌活

川芎

防風

香附炒

白芷各一兩

石膏二兩

細辛乙兩

當歸

甘草各五錢

右鐘末每一兩水煎服無時如有汗者知氣弱頭痛也方中加芍藥二兩桂一兩半生薑煎如痰癖頭痛加半夏三兩茯苓一兩生薑煎如熱痰頭痛加白芷三兩石膏三兩知母一兩如寒厥頭痛加天麻三兩附子一兩半生薑三片煎服

敗血

大芎附散治產後敗血作梗頭痛諸藥不効

右大附子一枚醃醋一碗用火四畔灸透醋令盡去皮臍加川芎一兩並為細末每服一錢茶清下

郭茂恂嫂金華君產七日不食始言頭痛頭痛已又心痛

作既而目睛痛如割如刺更作更止相去無瞬息間每頭痛甚欲取太石壓良久漸定心痛作則以十指抓壁血流滿掌痛定目復痛又以兩手自刺取之如是十日不已衆醫無計進黑龍丹半粒疾少間中夜再服下眼自寢如平常至平且下一行約三升許如蝗蟲子而疾減半已刻又行如前則頓愈矣黑龍丹方見產後血不下條

偏頭風

頭半邊痛者是也當與前頭痛相參用之

丹偏頭風有痰者多

左屬風

荆芥

薄荷

左屬血虛

川芎

右屬痰

蒼木

半夏

右屬熱

黃芩

羅川芎散治偏頭痛神効

其菊

石膏

川芎

白僵蚕

生各六分

大法

熱

右為極細末每服三錢茶清調下

潔治頭痛連睛痛

石膏

鼠粘子炒

右為末茶清食前調下

垣細辛散治偏頭風

細辛分二

川芎分七

柴胡錢二

黃芩酒炒

生黃芩分五

瓦粉分二

甘草錢分一

黃連酒炒

芍藥分半

右咬咀每服三錢水煎食後溫服之

寒濕

經治偏頭痛絕妙草換為末一兩於食前用清粥飲調半錢服之

本治風寒客於頭中無時疼痛牽引兩目遂至失明宜首

附散

白附子兩一

麻黃節不去

川烏

南星各半

全蝎箇五

乾薑

硃砂

麝香分一

右為細末酒調一字服畧睡少時效一族人患頭痛不可忍一服瘥

治偏頭風

治偏頭風

猪牙皂角去皮

香白芷

白附子各等分

右為末每服一錢臘茶調下右疼右邊臥左疼左邊臥皆疼仰臥食後服

丹偏頭風葷撻猪膽搗真中

本治偏頭風用好蘆薈自然汁一蠅殼許令患人仰臥左疼注左右疼注右或兩邊皆疼皆注之雖十年患者亦效

王荆公患十二年用之立效後醫數人皆愈此禁中秘方

針灸

頭半寒痛先取手少陽陽明後取足少陽陽明厥病

雷頭風

頭痛而起核塊者是也

凡雷頭懶于俗呼之謬名也可用茶調散吐之欠用神芩丸下之然後服烏荆丸及愈風餅子之類最者可用涼膈散消風散熱

突者下之茶調散方見上下奇即

大黃 黃芩各二 牽牛 滑石各四

右為細末滴水為丸如小芫大溫水下十五丸每服加十九丸以利為度日三服

表散愈風餅子

川烏炮半 川芎 甘菊 白芷

防風 細辛 天麻 羌活

荆芥 薄荷 甘草各一兩

右為細末水浸蒸餅為劑捏作餅子每服三五餅細嚼

茶酒送下不計時候

涼膈散方見前

夫治雷頭風者諸藥不効為與證不相對也蓋雷頭風者震卦主之震仰盂故其製藥內加荷葉者象震之形其色又青乃述類象形當荷方中升麻湯主之升麻湯治頭面乾瘡增寒拘急發熱狀如傷寒

升麻 蒼朮 荷葉

右為細末每服五錢水一盞煎七分溫服食前後或燒全荷葉一箇研細調藥服之妙

針灸 和雷頭風者是頭上有赤腫結核或如酸束狀可用排

針出血則愈矣

藥雷頭風 上顙 百會 風池

大頭痛

上蒸

頭痛如腫大如斗是也。大率多是天行時疫病。
 頭泰和年東垣以監納濟源稅時長夏多疫癘初覺憎寒
 體重次傳面目腫盛目不能開上喘咽喉不利舌乾口燥
 俗云大頭天行親感不相訪問如染之多不救張縣丞亦
 得此証至五六日醫以承氣湯加藍根下之稍緩翌日其
 病如故下之又緩終莫能愈漸至危篤或曰李明之存心
 於醫可以請治遂命診視其說其由曰夫身半已上天之
 氣也身半已下地之氣也此雖邪熱客於心肺之間上攻
 頭而為腫盛以承氣下之瀉胃中之實熱是誅罰無過殊
 不知適其病所為故遂處方用黃連黃芩味苦寒瀉心肺
 間熱以為君橘紅玄參苦寒生甘草甘寒瀉火補氣以為
 臣連翹鼠粘子薄荷葉苦辛平板藍根味甘寒馬尾勃白
 僵蚕味苦辛散腫消毒定喘以為佐新升麻柴胡苦辛行

少陽陽明二經不得伸桔梗味辛溫為舟楫不令下行其
 為細末用湯調時服之拌蜜為丸喻化之服盡良愈因
 歎曰往者不可追來者尤可及凡他所有是病者皆書方
 以贈之全活甚眾

普濟消毒飲子

- | | | | |
|-----|------|-----|------|
| 黃芩 | 黃連 | 人參 | 橘紅 |
| 各半 | 各半 | 三錢 | 去白二錢 |
| 玄參 | 甘草 | 連翹 | 鼠粘子 |
| 各二錢 | 生各二錢 | 各一錢 | 各一錢 |
| 板藍根 | 馬尾勃 | 白僵蚕 | 升麻 |
| 各一錢 | 各一錢 | 炒七分 | 升麻十 |
| 柴胡 | 桔梗 | | |
| 各二錢 | 各二錢 | | |
- 右為細末服如前法或加防風薄荷川芎當歸身咬咀
 如麻豈大每服五錢水煎去查熱服之食後時服之
 如大便硬加酒煨大黃一錢或二錢以利之腫熱甚者
 宜服刺之

海大頭病者雖在身半以上燕伏于經以感天地四時非節瘟疫之氣所着以成此疾至於潰烈膿出而又染他人所以謂之瘰癧也大抵足陽明邪熱太甚實發少陽相火為之熾多在少陽或在陽明甚則逆傳視其腫勢在何部分隨其經而取之濕熱為腫木盛為痛此邪發於首多在兩耳前後所先見出者為主為根治之宜其藥不宜速恐過其病所謂上熱未除中寒已作有傷人命矣此疾是身外而之內者是為血病兜頭部分受邪見於無形之處至高之分當先緩而後急先緩者謂邪氣在上着無形之部分既着無形所傳無定若用重劑大瀉之則其邪不去反過其病矣雖用緩藥若又急服之或食前或頓服咸失緩體則藥不能除病矣當徐上清無形之邪或藥性味形體據象服餌皆須下離緩體及寒漿或酒炒浸之類皆是也

後急者謂前緩劑已經高分瀉邪氣入於中是到陰部染於有形質之所若不速去反損陰也此却為客邪當急去之是治客以急也且治主當緩者謂陽邪在上陰邪在下各為本家病也若急治之不惟不能解其紛而反致其亂矣此所以治主當緩也治客當急者謂陽分受陽邪陰分受陰邪主也陰分受陽邪陽分受陰邪客也凡所謂客者當急去之此治客以急也假令少陽上明之為病少陽為邪者出於耳前後也陽明者首面大腫也先以黃芩黃連甘草通炒過剉煎少少不在服啉之或服單再用大黃或酒浸或煨又以鼠粘子新瓦上炒香咬咀煎去渣內苦硝各等分亦細上啉之當食後用徐得微利及邪氣已只服前藥如不已再服後藥依前次第用之取大便利邪已即止如陽明渴者加石膏少陽渴者加瓜蒌根 陽明行

經如升麻葛根芍藥之類太陽行經加羌活防風荆芥之類選而加之並與上藥均合不可獨用散也

潔黑白散治大頭病如神

烏黑蛇酒 白花蛇酒浸

雄黃二錢

右為極細末每服一二錢白湯調無時

海疫毒頭腫者甘桔湯加鼠粘子大黃芒硝

丹大頭天行病

羌活 酒炙大黃

素巨陽之厥則腫首頭重全文

山 大頭風用井底泥調大黃芒硝塗之此方若在表者忌

運氣大頭病皆屬火蓋經所謂上腫者即其屬也經云少

陽司天之政風熱參布太陰橫流寒乃時至民病上悌腫

厥

濕

色變又云少陰司天之政熱病生於上清病生於下民病
噎乾腫上終之氣燥令行餘火內格腫於上咳喘其治方
東垣普濟消毒飲子得之矣

眉痛

丹眉痛屬風熱與痰作風痰治類頭風用白芷酒黃芩末

酒調下

又方

川烏 草烏二味為君 童便浸炒 細辛

羌活 黃芩 甘草各等分 為佐

垣選奇湯眉骨痛不可忍

防風 羌活各三錢 酒黃芩一錢冬不用如能

甘草三錢夏生 冬炙用 右咬咀每服三錢水煎稍熱服食後時時

風熱痰

普濟消毒飲子

卷五

針灸

撮要 眉攢內痛 解溪

玉眉間痛

攢竹

瀉出血沿皮透魚腹

頭維

一分沿皮斜向下透懸處選而用之不

取

眉稜骨痛

攢竹

合谷

神庭

濕氣

垣紅豆散治頭重如山此濕氣在頭也

麻黃根

苦丁香

紅荳

羌活

連翹

右五味為細末鼻內搐之

又方

羌活根

連翹

紅荳

右為末擗鼻

針灸

督脈之別名曰長強按脊上頭散頭上下當肩胛左右別

走太陽虛則頭重高搖之按脊之有過者取之所別也

見針灸長強穴在脊骶節尾骨端也

表裏虛實

撮頭重如石印堂

一分沿皮透擗竹先左後右彈針出血

頭風屑

羅肝經風盛木自搖動尚書云滿招損老子云物壯則老故木凌脾土金來克之是子來為母復仇也使梳頭有屑皮見肺之證也謂肺主皮毛太便實瀉青丸主之虛則消

風散主之

瀉青丸方見治虛實法

消風散治諸風上攻頭目昏痛項背拘急肢體煩痛肌肉蠕動目眩旋運耳聾蟬鳴眼澀好睡鼻塞多嚏皮膚頑麻燥痒癩疹又治婦人血風頭皮腫痒眉骨疼旋欲倒痰逆惡心

羌活

羌活

人參

茯苓

白僵蚕

藿香

荆芥

甘草

蟬殼

去土各厚朴去皮薑製

陳皮

去白各半兩

防風

辨方

右為細末每服二錢茶清調下如久病偏頭風每日三服便覺輕減如脫着沐浴暴感風寒頭痛身重寒熱倦疼用荆芥茶清調下并蓋不拘服之小兒虛風目溢昏倦及急慢驚風用乳香荆芥湯調下亦得

頭痺風屑發黃用酒炒大黃茶調服

海萬病紫苑丸治頭多白屑每服三九至五七九薑湯下

方見積塊條

本治風屑極燥痒無時此乃氣虛風邪侵於皮表而生用藜蘆不拘多少為末先洗頭須避風候末至十分乾時用末糝之須用入髮至皮方得緊縛之兩日夜次日即不燥痒如尚有些少可再用一次立効

禹錫按陳藏器云鹽麩子主頭風白屑俗名麩鹽挑其末結五倍子

經患頭上白屑極多山荳根油浸塗以孩兒乳汁調塗効

本又方

白芷

零零香各等分

右為末如前法用之候三五日能去傳三二次終始不生

多臥不得臥

陰陽

靈黃帝曰病而不得眠者何氣使然岐伯曰衛氣不得入於陰常留於陽留於陽則陽氣滿陽氣滿則陽蹻盛不得入於陰則陰氣虛故目不瞑矣又曰病目不得視者何氣

使然岐伯曰衛氣留於陰不得行於陽留於陰則陰氣盛陰氣盛則陰蹻滿不得入於陽則陽氣虛故目閉也

大惑

足大陽有通項入于腦者正屬目本名曰眼系頭自苦痛取之在項中兩筋間入腦乃別陰蹻陽蹻陰陽相交陽入陰陰出陽交于目銳眦

以蹻脈考之

當作目內眦

陽氣盛則瞋目陰

氣盛則瞑目論寒熱 帝問曰夫邪氣之客也或令人目不瞑不得臥者何氣使然伯高曰衛氣者晝日行於陽夜行於陰常從足少陰之分間行於五臟六腑今厥氣客於五臟六腑則衛氣獨衛其外行於陽不得入於陰行於陽則陽氣盛陽氣盛則陽蹇陷陷當不得入於陰陰氣虛故目不瞑黃帝曰治之奈何伯高曰補其不足瀉其有餘調其虛實以通其道而去其邪飲以半夏湯一劑陰陽已通其臥立至黃帝曰善此所謂決瀆壅塞經絡大通陰陽和得者也願聞其方伯高曰其湯方以流水千里以外者不升揚之萬遍取其清五升煮之炊以葦薪火沸置秫米一升治半夏五合徐炊令竭為一升半去其渣飲汁一小杯日三四益以知為度故其病新發者覆杯則臥汗出則已矣久者三飲而已也邪客篇○按本草秫米即所謂糯米是也 黃帝曰人之

多臥者何氣使然岐伯曰此人腸胃大而皮膚濕而分肉不解焉腸胃大則衛氣留久皮膚濕則分肉不解其行遲夫衛氣者晝常行於陽夜行於陰故陽氣盡則寐陰氣盡則寤故腸胃大則衛氣行留久皮膚濕分肉不解則行遲留於陰也久其氣不清則目瞑故多臥矣其腸胃小皮膚滑以緩分肉解則衛氣之留於陽也久故少瞑焉黃帝曰其非常經也卒然多臥者何氣使然岐伯曰邪氣留於上焦上焦閉而不通已食若飲湯衛氣留久於陰而不行故卒然多臥焉大惑

臆寒熱

臆虛不眠寒也 酸棗仁炒竹葉湯調服聖惠方 臆實多睡熱也酸棗仁生用末茶薑汁調服齊民方○法酸棗仁一兩生用醋茶二兩以生薑汁塗炙微焦搗碎為末每服二錢水七分盞煎六分溫服無時不得臥

虛勞

仲虛勞虛煩不得眠酸枣湯主之

酸枣仁二升

甘草一兩

知母

茯苓

芎藭各二兩一方
如生薑二兩

右以水八升煮酸枣仁得六升內諸藥煮取三升分温三服

木治膽虛不得眠四肢無力驚甲丸

驚甲

酸枣仁

羌活

牛膝

黃芪

人參

五味子各等分

右為細末煉蜜杵為丸如桐子大每服三四十九温酒送下

聖治骨蒸勞煩心不得眠用酸枣仁一兩水一大盞半研絞取汁下米二合煮粥候熟下地黄汁一合更煮過不計時服之

肝虛

素帝曰人有臥而有所不安者何也岐伯曰藏有所傷及精有所寄之則安故人不能懸其病也精有所寄之則安太素作精有所倚則臥不安是也海胡治治振悸不得眠人參白朮茯苓甘草生薑酸枣仁大物煮服

若驚悸

珠母

三分研細用碾當歸

熟地各一兩半

人參

酸枣仁

栝子仁

犀角

茯苓各一兩

沉香

龍齒各半錢

右為細末煉蜜為丸如桐子大辰砂為衣每服四五十丸金銀薄芎湯下日午後臥服

獨活湯

獨活 羌活 人參 前胡
 細辛 半夏 五味子 沙參
 白茯苓 酸棗仁 甘草各一
 右為粗末每服四大錢水一盞半薑三片烏梅半箇同煎至七分去渣不拘時候

紹興癸丑予待次四明有董生者患神氣不寧每臥則鬼飛揚覺身在牀而神竟離體驚悸多魘通夕無寐更醫不效予為診視詢之曰醫作何病治董曰象皆以為心病予曰以脈言之肝經受邪非心病也肝氣因虛邪氣襲之肝藏魂者也遊魂為變平人肝不受邪臥則魂歸於肝神靜而得寐今肝有邪魂不得歸是以臥則魂飛揚若離體也肝主怒故小怒則劇董欣然曰前此未之聞雖未服藥已覺沉痾去體矣願求治之予曰公且持此說與眾醫議所

治之方而徐質之閱旬日復至云醫編議古今方無與病相對者故予處此二方以贈服一月而病悉除此方用真珠母為君龍齒佐之真珠母入肝經為第一龍齒與肝同類也龍齒虎睛今人例以為鎮心藥殊不知龍齒女鬼虎睛定魄各言其類也蓋東方蒼龍木也屬肝而藏魂西方白虎金也屬肺而藏魄龍能變化故魂遊而不定虎能專靜故魄止而有字予謂治鬼不寧者宜以虎睛治鬼飛揚者宜以龍齒萬物有成理而不失在夫人達之而已

肝虛則脚之水

羌活勝濕湯加柴胡治臥而多驚邪在少陽厥陰也方內經半夏湯治不得臥乃去飲之劑也方見前

脾虛則脚之

無溫膽湯治大病後虛煩不得眠兼治驚悸方見丹煩不得眠六乙散加牛黃服之即愈元散

思慮勝

診

針灸

子和一富家婦人傷思慮過甚二年不得寐無藥可療其夫求戴人治之戴人曰兩手脈俱緩此脾受邪也脾主思故也乃與其夫議以怒激之多取其財飲酒數日不處一法而去其婦大怒汗出是夜困眠如此者八九日不寐自是食進其脈得平此因膽虛不能制脾之思慮而不寐今激之怒暗復制脾故得寐也

**素陽明者胃脈也胃者六腑之海其氣亦下行陽明逆不得從其道故不得臥也下經曰胃不和則臥不安此之謂也
逆調論**

喘不得臥以喘法治之
 厥不得臥以脚氣法治之
素帝曰人之不能偃臥者何也岐伯曰肺者藏之蓋也肺氣盛則肺大肺大則不能偃臥分補
 撮膽寒不得臥竅陰之分補

濕熱

甲焉不得眠善斷水氣上下五臟遊氣也陰交主之不得臥浮却主之
多臥

子和陳州長史一小兒病寐而不寤二百諸醫作睡驚治之或欲以艾火灸之或以大驚丸及水銀餅子治之其父曰此子平日無疾何驟有驚乎以子之病問戴人戴人診其兩手脈皆平和戴人曰若驚風之脈當洪大而強今則平和非驚風也戴人竊問其乳母爾三日前曾飲酒醉否遽然笑曰夫人以黃酒昆餉酒味甚美三飲一罍而睡夫陳酒味甚而戀膈酒氣滿乳兒亦醉也乃剉甘草乾葛葛花縮砂仁貫衆煎汁啜之立醒

運氣多睡皆屬內熱經云陽明司天之政初之氣陰始疑

針灸

怪穴困睡多

無名指第二節尖

灸一壯屈手指取之

咽喉

喉痺

咽隘痛

乳蛾

喉中

介介如梗

諸物梗咽

項頸強痛

法

經云一陰一陽結謂之喉痺又云肝者中之將也取決於

膽咽為之使故以喉咽入肝膽部

素喉主天氣咽主地氣

太陽陽明命地氣通於隘全文見五

干接連胸中肺葉之間隘即咽

咽喉者水穀之道也喉龍者氣之所以上下者也會厭者

音聲之戶也懸壅者音聲之閑也

子和咽與喉會厭與舌此四者同在二門而其用各異喉

以納氣故喉氣通於天咽以納食故咽氣通於地會厭者

抵上懸則會厭能閉其喉矣四者交相為用闕一則飲食

瘳而死矣

喉痺

法

凡經云喉痺者謂喉中呼吸不通言語不出而天氣閉塞

也云咽痛云益痛者謂咽喉不能納唾與食而地氣閉塞

也云喉痺咽隘痛者謂咽喉俱病天地之氣並閉塞也蓋

病喉痺者必兼咽隘痛病因隘痛者不能兼喉痺也今以

喉咽俱病諸方並入喉痺門中

喉痺惡寒及寸脈小弱於關尺者皆為表證宜甘桔湯半

夏桂枝甘草湯詳寒熱發散之若水漿不得入口者用解

毒雄黃九四五粒以極酸醋磨化灌入口內吐中濃痰却

服之間以生薑自然汁一規殼啗下之神効

按喉痺惡寒者皆是寒折熱寒閉於外熱鬱於內薑汁

散其外寒則內熱得伸而愈矣切忌膽酸寒等劑點

惡寒寸脈小者皆為表

喉反使其陽鬱結不伸又忌硝黃等寒劑下之反使其陽下陷又裏則禍不旋踵矣韓祚和云寸脈弱於關者宜消陰助陽垣云兩寸脈不足乃陽氣不足故用表藥提其氣形以助陽也或三部俱小弱亦可用其法也喉痺鄉村病皆相似者屬天行運氣之邪治必先表散之亦大忌酸藥點之寒藥下之鬱其邪於內不得出也其病有二

其一屬火經云少陽所至為喉痺又云少陽司天之政三之氣炎暑至民病喉痺宜仲景桔梗湯或面赤斑者屬陽毒宜陽毒諸方汗之

其二屬濕經云太陰之勝火氣內鬱喉痺又云太陰在泉濕淫所勝病隘腫喉痺治宜活人半夏桂枝甘草湯或面青黑者屬陰毒宜陰毒諸方汗之

有

運氣
執邪以
寒邪以
表之

仲 桔梗湯治傷寒客熱咽痛玄見傷寒咽痛○海藏治咽痛甘草湯加昆蟲子竹茹

無 荊芥湯治咽喉腫痛語聲不出出嚙之痛甚

荊芥兩半 桔梗兩 甘草兩

活 右剉散每服四錢水一盞薑三片煎六分去香溫服

活 半夏桂枝甘草湯治暴寒中人咽痛方見傷寒咽痛

無 治卒喉痺不得語小續命湯加杏仁七箇煎甚妙續命湯方

和 五香散治喉咽腫痛毒氣結塞不通

木香 沉香 雞舌香 薰陸香各一

麝香三錢

右為末入麝香研勻每二錢水一盞煎服不拘時

本 治中風急喉痺欲死者白僵蚕搗篩為末生薑自然汁調下喉立愈丹溪云僵蚕屬火而有土與禾者得金氣而僵治喉痺者取其火中清化之氣以從治也

醫學圖書

卷

火散濁逆
結帶之疾

陳附子去皮炮令折以蜜塗上炙之令蜜入內含之勿咽其汁主喉痺

和如聖勝金錠治咽喉急閉腮頰腫痛并單蛾結喉重舌木舌

硫黃細研一兩 川芎一兩 臘茶 薄荷去根梗各半兩
貫眾兩 硝石研四兩 荆芥兩

右為末生葱汁搜和為錠每服先用新汲水灌漱次嚼生薄荷五七葉却用藥一錠同嚼極爛并水嚥下甚者連進三服并以一錠安患處其病隨藥便消

羅征南師不隣吉歹病咽痛下利方見去熱裏寒門

洪武戊辰春鄉村病喉痺者甚眾蓋前年終之氣及當年年初之氣二火之邪也予累用甘桔湯加黃連半夏薑

蚕鼠粘子根等劑發之披虛者加參芪歸茸水漿不入者先用解毒雄黃丸醋磨化之灌喉痰出更用生薑汁灌之却用上項藥無不神驗若用膽礬等酸寒大過者皆不治蓋邪鬱不出故也

喉閉者
先取痰

羅解毒雄黃丸治纏喉風及急喉閉卒然倒仆牙關緊急

雄黃 鬱金各一分 巴菴去皮油十四箇

右為細末醋糊為丸菜菔大茶清下七丸吐出頑痰立甦未吐再服如至死者心頭猶執灌藥不下幹口開灌之下咽無者不治如小兒驚熱痰涎壅塞或二丸三丸量亦大如戒用法用雄黃丸三粒醋磨化

大治纏喉風雄黃一塊新汲水磨急灌吐痰

丹纏喉風屬熱痰宜用鷲翎蘸桐油探吐之又法用射干逆流水吐之

世遠志去心為末每半錢水小半盞調服口含竹管吐痰涎極捷治喉痺如神

烏犀角膏治咽喉腫痛及一切結喉爛喉道尸纏喉痺喉急喉飛絲入喉重舌木舌等證

皂莢兩條子搥碎用水三升浸一時久按汁去查入瓦器內熬成膏好酒一合

酸硝研一錢同皂角人參為一錢

鵝砂木酒白霜梅各少許並研入膏中

右拌和煎藥用鷲毛點少許於喉中以出盡頑涎為度却嚼甘草二寸煎汁吞津若木舌死以麈布蘸水揩舌冷火用生薑片擦之然後用藥

山纏喉風皂角搥水灌下得吐愈

十治纏喉風喉痺飲食不通欲死者用反竟草根一莖淨洗內入喉中取寒痰出即瘥神驗更以馬牙硝津嚥之即愈

世治咽喉用土烏藥即矮樟根以醋兩盞煎一盞先嚼後吐痰涎為愈

杜治纏喉風東氣不通用蛇蛻灸黃當歸等分為末溫酒調下一錢七得吐愈

羅備急如聖散治時氣纏喉風漸入咽塞水穀不下牙關緊急不省入事

雄黃細研 藜蘆生用 白礬飛 猪牙皂角皮去

雄黃另研 蝎稍七枚 白礬生 藜蘆絡一

猪牙皂角七

世一字散治喉閉氣塞不通飲食不下

右等分為細末每用一荳大鼻內擗之立効

牙關閉者搥鼻取痰

絕根反竟草一名紫苑世世青絲子前藥人誤未細研

世治咽喉用土烏藥即矮樟根以醋兩盞煎一盞先嚼後吐痰涎為愈

杜治纏喉風東氣不通用蛇蛻灸黃當歸等分為末溫酒調下一錢七得吐愈

羅備急如聖散治時氣纏喉風漸入咽塞水穀不下牙關緊急不省入事

雄黃細研 藜蘆生用 白礬飛 猪牙皂角皮去

雄黃另研 蝎稍七枚 白礬生 藜蘆絡一

猪牙皂角七

右為末每用一字吹入鼻中即時吐出頑涎為愈

治喉咽痛牙關緊急用巴荳去殼以紙壓出巴荳油在紙上以此紙作捻子點穴吹滅以烟薰入鼻中即時口鼻涎流牙關開矣

喉痺不寒者及寸脈大滑實於關尺者皆屬下證且稍石青黛等寒藥除之或白礬等酸劑收之也韓祗和云寸脈大於關尺者宜消陽助陰東垣云兩寸脈實為陰盛陽虛下之則愈故予每用此法治急喉痺如鼓應桴或三部俱實亦可用其法也

無玉鑰匙治風熱喉痺及纏喉風

鵝砂半兩 腦子半 白僵蚕一分

右為末以竹管吹半錢入喉中立愈

世治喉痺咽痛用蒲黃甘草青黛芒硝等分為末時時嚥

荳許神效

外療喉痺神驗朴硝一兩細細含嚥汁立愈

無玉屑無憂散治纏喉風咽喉疼痛語聲不出咽物有礙或風涎壅滯口舌生瘡大人酒癰小兒疔瘵或候吞骨屑哽塞环下

玄參 貫眾 滑石 砂仁

黃連 甘草 茯苓 山荳根

荆芥各半 寒水石煨 鵝砂各三

右為末每服一錢先抄入口以清水嚥下此藥除三尸去八邪辟瘟療瘡

丹治喉痺呼吸不通須臾欲絕絡石草二兩水升半煎取二盞去查細細呷之立通外臺秘要本草云絡石味苦溫微寒無毒主風熱治喉痺白瑞香花根寸許研細調灌之妙性未詳

官卒喉痺取黃栢片合之又黃栢一斤咬咀酒一斗煮二沸去查恣飲便愈

世喉痺水穀不下蘿蔔汁咽之甚佳蘿蔔下氣甚速

母又方李實根一片嚼以內佳治風熱痰喉痺先以子

緡湯次以四物湯加黃栢知母養陰則火降矣

靈苑治急喉閉遂巡不救者鱖魚膽臘月收陰乾為末每

用少許點患處藥室即瘥病深則水調灌之

丹用李實根研水傳頂上一遭治喉痺卒不語羊蹄獨

根者勿見風日及婦人雞犬以三年醋研和如泥生布拭

喉令赤傳之好金

又方

酸硝 肺 枯礬各五 鵬砂 杜牛膝調傳

右降之劑

羅開散治喉風氣息不通

白僵蚕兩炒 枯白礬各等分

右為細末每服三錢生薑蜜水調下細細服之

本治纏喉風用白礬末半錢烏雞子清一箇一味調勻灌

入喉中立効如神此方活人不計數幸毋忽

山喉閉用枯礬末吹納喉中急用燈臺底油脚灌下

世治喉癰馬尾勃白礬等分為細末以鷺翎吹入喉中吐

痰一升愈馬尾勃味辛平 治喉閉一握金一握燒灰拌白礬末

炒青色為度用筋三四根壓下舌看喉中端的吹入患處

妙此藥一名八角荷一名山荷葉如用等樣生深山詩云

一葉一枝花深山是我家疏黃怕我死水銀化成砂

無神効散荆芥草麻肉等分為末蜜丸皂子大綿裹含化

治喉痺語聲不出者佳

又方猪牙皂角和霜梅為末噲之

世治喉痺咽腫手足不和惡寒者用鴨嘴膽礬末以筋蘸藥點患處藥至即瘥神効

右收之之劑

益

海治喉痺取躑躅虫汁點在喉中下咽即開

世治喉痺壅塞不通取紅藍花搗絞取汁一小升服之以

瘥為度如冬月無濕花可浸乾者濃絞取汁如前服之極

驗咽喉塞服之皆瘥

丹又方用茜草一兩煎服降血中之火

世治咽腫杜牛膝搗自然汁和醋服之本草云杜牛膝主血結及血塊

無馬鞭草散治患喉痺咽腫連類吐氣數者

馬鞭草本草云馬鞭草味辛涼破血主癥瘕血痕通月經

右搗自然汁每服嚥二合許又一法用馬啣鐵質汁服

亦妙

用治喉痺射干切一片含嚥汁外臺秘要○本草云射干破血消痰治瘰癧老血在心

微溫有毒

孫押班都知潘元從喉閉急召孫至於夾袋中取藥末半

七吹入喉中少頃潘吐膿血立愈翌日潘詣孫謝曰火

急之難非明公不能救救人之急非藥不能療贈金一百

兩願求方以濟非常之急孫以其方授之用猪牙皂角白

礬黃連等分細剉新瓦上焙乾為末每用半錢吹入喉中

因曰神方無價安用以利易哉遂不受所贈

肺絕

急喉痺其聲如鼾有如痰在喉嚨者此為肺絕之候速宜

參膏救之用薑汁竹瀝放開服如未得參膏或先煎獨參

湯救之服早者十全七八次則十全四五遲則十全一二

雜方

一陰一陽結謂之喉痺陰陽別論

海治喉閉透心不救方
皂莢去皮拔子生半斤為細末以筋頭照少許在腫處更以醋糊調藥末厚塗項上須臾便破血出立瘥○丹溪以雞毛蘸傳腫處尤妙

又用遠志去心水調傳項上三遭

丹治喉痺青艾和莖葉一握用醋同杵傳痺處冬月用乾者李臣

一法用青艾汁灌下

四喉閉用蛇床子燒烟薰入喉中愈

本喉中卒被毒氣攻痛者功商陸根炙熟罨布慰之冷輒易立愈

凡有久患纏喉風食不能下大麥麩作稀糊燕之滑膩容易下嚥以助胃氣衍義云以此代粥食也若能食者不必用此

針灸

一經喉氣不通者以冷水徐灌之

內經刺灸喉痺法有三今以經脈所過咽喉取之驗者及他病相干而致喉痺取之者通六經也

其一取手足陽明經云喉痺不能言取足陽明能言取手陽明又云胃足陽明脈從天迎前下入迎附循喉嚨所生病者頸腫喉痺視盛虛熱寒陷下取之又云足陽明之別名曰豐隆去踝八寸別走太陰其病氣逆則喉痺卒瘖取之所別也又曰大腸手陽明脈所生病者喉痺視盛虛熱寒陷下取之也

其二取手少陽經云三焦手少陽之脈出缺盆上項繫耳後是動則病隘腫喉痺視盛虛熱寒陷下取之又曰邪客手少陽之絡令人喉痺刺手中指次指爪甲上去端如韭葉各一疳壯者立已老者頃已左取右右取左是也

其三以經絡所過喉咽者有二經云肝足厥陰之脈循喉
龍之後故喉之後疼者取之累驗也又云腎足少陰之脈
上貫肝高指喉嚨實漢卿所謂必准者照海治喉中之閉
塞是也

其四他病相干致喉痺者有一經云心效之狀喉中介介
如梗狀甚則咽腫喉痺取心之俞蓋太陵穴是也

孫文潞公一日喉腫翰林咽喉科治之經三日愈甚上召
孫治之孫曰病得相公書判筆一管去筆頭水露筆管點
藥入喉便愈孫隨手便刺相公昏仆不省人事左右皆驚
愕流汗孫乃笑曰非我不能救相公須臾嘔出膿血升餘
旬日乃平復如故見上上喜曰孫召良醫具有手段予嘗
治一男子喉痺於大溪穴刺出黑血半盞而愈由是言之
喉痺以惡血不散故也凡治此疾暴者必先發散惡血不

愈次取痰取痰不愈次去汚血也

摘治喉痺 豐隆 湧泉 關衝甚者以小三稜針藏鋒

上方刺出紫血頭下立愈

撮喉痺乳蛾 少商針入一分臥 照海 太衝

潔喉閉不通 少商 隱白 少衝 湧泉

摘喉痺頰腫如升水粒不下 少商血出 手太指背頭節

三稜折刺 陽谷三分

甲喉痺完骨及天窓氣舍天髁尺澤合谷商陽陽溪中渚
前谷商丘然灸陽交悉主之 喉痺胸中暴逆先取衛脈
後取三里雲門皆瀉

喉痺刺少陰少陰在手腕當小指掌後動脈是也針入
三分補之

甲喉痺咽如梗三間主之 喉痺不能言溫留曲池主之

診

喉痺氣逆口喎咽喉如扼狀行間主之 喉痺咽腫水漿不下璇璣主之 喉痺食不下鳩尾主之 白色龕理者肺大肺大則多飲善病喉痺眩暈心脈大甚為喉吟全支見治虛寒法

咽隘痛 咽隘不能納 咽隘食是也

大法

形苦志苦病生於咽隘治之以百藥全支見治法 咽痛必用荊芥 陰虛火炎上者必用玄參

氣虛人參加竹瀝 血虛四物加竹瀝 咽痛有陰氣大虛陽氣飛越痰結在上遂成咽痛服必淨

久病毒 陰解鬱

大重取必瀆去死為近宜補陰陽人參一味濃煎湯細飲之此証皆是勞嗽日久者有之 如用實 喉痺條下諸方非徒無益而反害之

咽瘡多虛火游行無制客於咽喉宜用入參蜜炙黃柏荆芥治之

芥治之

潤喉散治氣鬱夜熱咽乾梗塞用

桔梗二錢

粉草

紫荷車

香附各三

百藥煎一升

右為細末傅口內

咽喉生瘡損共不用生薑用之辛辣痛又能散不收

咽痛實熱者 黃連 荊芥 薄荷

蜜薑汁調噲

新病退 熱祛邪

咽中瘡腫車麻子一粒去皮朴硝一錢同研新汲水作二服連進二三服効丹溪云車麻子屬金性善收能遣毒腫文似屬水當是外科要藥

羅龍麝聚聖丹治心脾客熱毒氣攻衝咽喉赤腫頭痛或成喉痺或結硬不消愈而復發經久不瘥或舌本腫脹滿口生瘡飲食難咽並宜服之

川芎兩

生地

犀角屑

羚羊角

琥珀研各五 馬牙硝研三 鵬砂研一 人參

赤茯苓各三 玄參 桔梗 升麻

鉛白霜研 連翹各五 硃砂水飛 牛黃研二

麝香研三 腦子研三 金箔為衣

右為細末煉蜜為丸每兩作斗丸用金箔為衣每服一丸薄荷水化下或細嚼或噙化如無薄荷新水亦可臨臥用之

祛毒牛黃膏治大人小兒咽喉腫痛舌本強硬滿口生瘡涎潮喘急飲食難進咽膈不利

牛黃研三 人參 琥珀 犀角取細末

桔梗 生地 鵬砂各半 雄黃一

玄參 升麻各三 蛤粉水飛 寒水石煨一

硃砂飛研 鉛白霜 腦子各一 金箔十貼

實熱降咽喉備急丹

青黛 芒硝 白僵蚕各一 甘草四

右為細末用臘月內牛膽有黃者盛藥其中陰四十九日多時為妙

經患喉痛含山荳根丁片細咽津極妙

丹咽痛鵬砂或和膽礬白僵蚕白霜梅和噙又方百藥煎去黑皮鵬砂甘草生白礬等分為細末每服一錢食後

米飲調細上咽下

射咽喉卒腫食飲不通黃柏搗傅腫上冷復易之用苦酒

積末佳

浮熱表散之

丹婦人患咽疾用桔梗一兩生甘草半兩分三貼水二碗煎取一小盞稍熱飲之先與蚤休末細咽之蚤休末即金線重者是也羅增損如聖湯治風熱攻衝會厭語聲不出咽候妨悶腫痛並治之

桔梗二錢 甘草炙一錢 枳殼湯浸去穢 防風各半

右件為細末每服三錢水一大盞煎至七分去渣入酥如棗許攪勻食後溫服

本治虛煩上壅脾肺有熱咽喉生瘡利膈湯

雞蘇葉 荆芥 防風各一錢 桔梗一錢

即知人參 牛旁子隔紙炒 甘草各一錢

右為細末每服一錢沸湯點服如咽痛口瘡甚者可加僵蚕一兩

恒桔梗湯治咽腫微覺痛聲破季冬食之

麻黃不去節半錢 桔梗一錢 黃芩三錢 甘草一錢

白僵蚕三錢 馬屁勃一兩 桂枝許少 婦身三錢

右咬咀水二盞煎去香稍熱服食後可徐徐咽之羅發聲散治咽痛妨悶咽物則微痛不宜寒涼藥過泄之此妨悶虛熱也

瓜萎一箇 白僵蚕微炒半兩 桔梗七錢 甘草炒二錢

右為細末每用少許乾糝咽喉中若腫痛左右有紅或只一壁紅紫長大水米難下用此散一錢朴硝一錢和勻糝喉中咽津如喉中生赤腫或有小白頭瘡用前散一錢匕白攀細研半錢乾糝

丹薑汁調僵蚕末治咽痛神效詳見喉痺

無蜜附子治感寒咽閉不能咽大附子一枚生去皮臍切作太片蜜塗炙令黃舍熱津其味盡更以附子片塗蜜

寒邪溫之

灸用之

之

丹治咽痛用諸藥不効者此非咽痛乃是鼻中生一條紅線如髮懸一黑泡大如櫻珠垂掛到咽門而止口中飲食不入須用深取牛膝根直而獨條者洗淨入好醋三五滴同研細就鼻孔滴二三點入去則絲斷珠破其病立安

雜方

素肝者中之將也取決於膽咽為之使奇病論世咽痛用倒摘刺根淨洗入好酒醋同研滴在喉中耳若痒即安 范汪方治喉中腫痛不得飲食燒筆頭灰漿水飲下方寸匕

運氣

廣主咽喉寒鼻中瘡出及乾嘔頭痛食不下生雞子一箇開頭取白去裏者米酢煨拌漚火頓沸起擎下沸定須頓三度就熱飲酢盡不過一二次瘥 運氣咽喉噎痛皆屬寒經云太陽在泉寒淫所勝民病噎

針灸

痛頰腫是也

內經灸刺咽喉有一

其一取足少陰經云腎是少陰之脈所生病者咽腫上氣噎乾痛又云噎中腫不能內唾時不能出唾者刺然骨之前出血立已左刺右右刺左又云邪客是少陰之絡令人噎痛不可納食無故善怒氣上走膈上林億云貫膈也謂氣上走膈上也刺足下中央之脈各三疇凡六刺立已左刺右右刺左是也

其二取手太陽經云小腸手太陽之脈是動則病噎痛頰腫視虛實寒熱陷下取之也

咽中痛不可納食湧泉主之 咽腫難言天柱主之 喉痛瘖不能言天突主之

同喉痺

乳蛾

溫熱者
以之

竹咽喉乳蛾方

雄黃

鬱金各五錢

白礬生用二錢 膽礬五錢

右為細末以竹管吹入喉中立能言語

實熱者
降之

粉香散吹乳蛾即開

白礬三錢

巴豆三粒去油 輕粉

麝香各少許

右於鐵器上飛白礬沸入巴豆在礬上粘去不用巴豆為細末三味和合吹喉中

孫治懸癰垂長咽中妨悶白礬一兩燒灰鹽花一兩二味細研以筋頭點藥在上

竹羅青散治單雙乳蛾

蒲黃五錢

羅青

盆硝研各三錢

甘草二錢

右為細末每服一錢冷蜜水調細細咽之吞不下雞翎蘸藥喉內掃之立効

本玄參散治懸癰痛不下食

玄參二兩

升麻

射干

大黃各半兩

右為細末用水煎至七分放溫時時含咽良驗

無乾薑散治懸癰熱卒暴腫大

乾薑

半夏湯洗去滑等分

右為細末以少許著舌上噉津

世乳蛾用杜牛膝根紅者研調男用女乳汁女用男乳汁

納鼻吸之

方人 治喉中卒生肉綿裹筋頭蘸鹽搽一日六七次易之真

咽中介介如梗狀

仲婦人咽中如有痰癆半夏厚朴湯主之

雜方

汚血破之

有妻者散之

半夏升 厚朴三 茯苓 生薑各四

蘇葉兩

右五味以水七升煮取四升分温四服日三夜

丹痰結核在咽此濕痰必用痰藥中酸能軟堅之味

瓜蒌實

青黛

杏仁

海蛤粉

桔梗

連翹

風化硝

右為末薑蜜丸噙化

內經灸刺咽隘介介如梗狀有

其一取陽陵泉經云膽病者善太息口苦嘔宿汁隘中介

介然數唾取陽陵泉是也

其二取太陵經云心欬之狀喉中吟吟然如梗狀取心之

俞是也

諸物梗喉

法

治諸哽者薤白令半熟以線縛定手執線頭少嚼薤白

咽之度薤白至哽處便牽引哽即出矣 又法用綿一小

塊以蜜者用如食薤法

也治骨哽入喉

硝砂 甘草各等

右為末以綿裹少許噙之旋旋咽津久之即出

骨哽以乳香燒烟吸之喉即吐出

本治諸魚骨哽久不出方以皂角少許吹入鼻中得嚏哽

出多秘此方

食之 懶主魚骨哽不可出者最懶足於項下爬之亦可煮汁

外治哽蝟蝟膽一枚吞下亦治刺不出傳之刺即出

古今錄療魚骨橫喉中六七日不出取鯉魚鱗皮合燒作

肩水服之即出未出再服

右治骨哽

子和一小孩誤吞錢在喉中不下諸醫皆不能出亦不能下乃命戴人戴人熟思之忽得一策以淨白表紙卷實如箸以刀縱橫亂割其端作鬚鬚之狀又別取一箸縛針鈞於其端令不可脫先下咽中輕提輕探之覺鈞入於錢竅然後以紙卷納之咽中與鈞大相抵覺鈞尖入紙卷之端不得肌肉提之而出

曾誤吞釵取難白曝令萎黃煮使熟勿切食一大束釵即隨出

治誤吞錢釵及鏢用飴糖一片漸漸食之自出外臺秘要

下之法

世治骨哽檳樹葉油馬尾勃砂糖三味熬膏為丸噉化累

効

治骨哽喉痛用冰牛屎上生出葷曬乾為末用砂糖為丸徐徐嚥吞下仍用砂糖為衣不然損牙

外治魚骨哽在喉中以少礪砂口咀嚼咽之立下

世治魚骨哽用玉簪花根研細取汁竹管灌喉中不可著齒着則齒酥骨哽用萱草根汁服之傳者云可立視骨

母治魚骨哽百法不能瘥者錫糖丸如鷄子黃大吞之立出肘後

治諸哽生艾數升水酒各五升煮取四升稍熱服之外臺

世魚骨哽楮子搗自然汁濾去渣服或收曬乾為末水和汁服亦可楮子即今一方用楮樹皮

衍橄欖味澁食皮則其嚼汁咽治魚哽

外治硬以瞿麥為末水調方寸七服
本治骨硬白茯苓一味臨時細切為末以所硬骨煎湯調下

世治雞骨哽用水蘆草搗汁飲之骨自消 治骨哽以野苧根洗淨搗爛如泥每用龍眼大如被雞骨所傷以雞羹化下始魚骨所傷魚湯化下 治一切骨哽用金鳳花子嚼爛嚥下無子用根亦好

山誤吞稻芒麥芒令咽閉急取鵝口中涎灌之或取薦頭草嚼亦妙

丹魚骨在肚中刺痛煎柴黃汁一盞飲之骨軟而出食丹治吞錢艾一把水五升煎至三升頓服便下錢氏篋中方

治吞錢及鐵物在喉者不得下南燭根燒細末湯調一錢下之

診

山誤吞錢百部根四兩酒一升漬一宿溫服一升日再服
外臺秘要 又方誤吞銅錢用家茨菰取汁呷飲自消見山居方
外誤吞錢併金銀等物以糊粉一兩搗調之分再服如吞金銀物在腹中以米銀服之令消烱
無凡治哽之法皆以類推如鷓鴣治魚哽磁石治針哽髮灰治髮哽狸虎治骨硬亦各從其類也

項頸強痛

靈缺盆之中任脈也名曰天突當缺盆中央動脈是也 一次任脈側之動脈足陽明也名曰天迎挾喉二旁之動脈是也 二次脈手陽明也名曰扶突挾喉動脈之後曲 三次脈手太陽也名曰天應手陽明之後當曲頰之下是也 四次脈足少陽也名曰天容曲頰之後當耳之下是也 五次脈手少陽也名曰天牖耳後當完耳之下是也 六次脈足太陽也名曰天柱挾項大筋中是也 七次脈頸中央

針灸

之脈督脈也名曰風府。足陽明挾喉之動脈也其輸在膺中。手陽明次在其膺外不至曲頰。一寸手太陽當曲頰。足少陽在耳下曲頰之後。手少陽出耳後上加完骨之上。足太陽挾項太筋之中。俱本輪篇

內經刺灸項頸痛有二

其一取足手太陽治項後痛。經云足太陽之脈是動則病。項如拔視虛盛寒熱陷下取之。又云項痛不可俛仰刺足太陽不可以顧刺手太陽。又云大風項頸痛刺風府。風府在上椎又云邪客於足太陽之絡令人頭項肩痛刺足小指爪甲上與肉交者各一痛立已不也則刺外踝下三痛左取右右取左如食頃是也。

其二取足手陽明治頸前痛。經云足陽明之脈所生病者頸腫。又云手陽明之脈是動則病頸腫皆視盛虛寒熱陷

下取之也

通頸項痛後谿

玉項強承漿風府

甲頭項痛重軀起僵卧鼻窒欬喘息不得通。天主之項上痛頭風重目如脫不可左右顧百會主之。○頸痛項不得顧目泣出多眵鼻欬目內皆赤痛氣厥耳目不明喉僂引項筋牽不收風池主之。○項腫不可俛仰頰腫引耳後完骨主之。○項強刺瘖門。○頸項痛不可以俛仰頭痛振寒瘕痰氣實則脇滿挾脊有并氣熱汗不出腰背痛大行主之。

東風生於春病在肝俞在頸項全丈見五歲

本治筋急項不得轉側木瓜煎

宜州木瓜二个取蓋去棗沒藥二兩研乳香研一分

肝筋急

右二味納木瓜中用蓋子合了竹箬比定之飯上蒸三四次研爛成膏子每服三五七地黃酒化下又生地黄汁半盞無灰酒二盞和之用八分一盞熱燉化服有人患此病自午後發至黃昏時定予曰此患必先從足起經言足十二經絡各有筋惟足太陽之筋自足至項大抵筋者肝之合也日中至黃昏天之陽陽中之陰也又曰陽中之陰肝也自酉至亥陰旺陽弱之時故靈寶畢法云寅至乾腎氣絕而肝氣弱肝腎二藏受陰氣故發於是時予授此方三服而愈

丹男子頭暈不能回顧動則微痛診其脈強而數實右手為其寸作痰熱客太陽經治之二陳湯加酒洗黃羌活紅花服後二日愈

痰 養神湯治精神短少不得睡項筋腫急難伸禁甘溫宜若

黃芪一分	人參三分	甘草七分	蒼朮五分
白朮三分	柴胡四分	升麻四分	當歸身五分
大麥芽伍	木香一分	川芎三分	半夏七分
陳皮一錢	黃連五分	黃柏一分	黃芩酒制二分

右吹咀每服五錢水二盞煎去香稍熱服不拘時

虛寒

本治腎氣上攻項背不能轉移椒附散

大附子一枚六錢上者炮去皮脂末之

右末每二大錢好川椒二十五粒用白麵填滿水一盞半姜七片全煎至七分去椒入鹽空心服予一親感患項筋痛連背脚不可轉移服諸風藥皆不效予當憶千金髓有腎氣攻背強一症予處此方與之一服頓差自不與人皆云驗蓋腎氣自腰夾脊上至曹溪穴然後入泥九宮曹溪一穴非精於搬運者不能透今逆行至此

